

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu privrednog subjekta NLB d.d. Slovenija
o obavezi podnošenja prijave namjere koncentracije**

**Sarajevo
Septembar 2009. godine**



Broj: 01-01-26-719-4-I/09
Sarajevo, 30.09.2009. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta Nova Ljubljanska banka d.d. Trg Republike 2, CI-1520 Ljubljana, Republika Slovenija, zaprimljenog od strane Konkurencijskog vijeća dana 02.09.2009. godine pod brojem: 01-01-26-719-I/09, Konkurencijsko vijeće, na 94. (devedesetčetvrti) sjednici održanoj dana 30.09.2009. godine, je donijelo

MIŠLJENJE

Privredni subjekt Nova Ljubljanska banka d.d. Trg Republike 2, CI-1520 Ljubljana, Republika Slovenija, (u daljem tekstu: Podnosilac zahtjeva ili NLB), podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 02.09.2009. godine pod brojem: 01-01-26-719-I/09. Podnosilac zahtjeva je dana 16.09.2009. godine dostavio dopunu Zahtjeva.

Podnosilac zahtjeva traži mišljenje od Konkurencijskog vijeća da li je u obavezi podnijeti prijavu namjere koncentracije i kada nastaje obaveza prijave, u smislu Zakona o konkurenciji.

NLB je u sastavu NLB Grupe koju, između ostalih, čine i privredni subjekti LHB Trade d.o.o. Zagreb i NLB Razvojna banka a.d. Banja Luka.

Privredni subjekt NLB je na dan 28.08.2009. godine u dioničkom kapitalu privrednog subjekta NLB Razvojna banka a.d. Banja Luka imao 99,85% dioničkog kapitala, a u privrednom subjektu LHB Internationale Handelsbank AG, koji je 100% vlasnik privrednog subjekta LHB Trade d.o.o. Zagreb, 100% dioničkog kapitala.

NLB Grupa, kako se navodi u Zahtjevi, već posjeduje ukupno 81,31% dionica privrednog subjekta Plan a.d. Banja Luka od čega privredni subjekt NLB Razvojna banka a.d. Banja Luka 48,99%, a LHB Trade d.o.o. Zagreb 32,31% dioničkog kapitala.

U Zahtjevu privredni subjekt NLB navodi da ima namjeru da otkupi od privrednog subjekta LHB Trade d.o.o. Zagreb 32,31% dionica privrednog subjekta Plan a.d. Banja Luka i da se prijavi za otkup dodatnih 5% dionica koje su u vlasništvu Fonda za restituciju.

Nakon navedene kupovine dionica NLB Grupa će imati 86,3% učešća u dioničkom kapitalu privrednog subjekta Plan a.d. Banja Luka.

Članom 12. stav (1) Zakona o konkurenciji je propisano šta se smatra koncentracijom.

Članom 16. stav (1) Zakona o konkurenciji je propisano kada nastaje obaveza podnošenja prijave namjere koncentracije.

Na osnovu navedenih podataka utvrđeno je da je privredni subjekt NLB Grupa većinski vlasnik privrednog subjekta Plan a.d. Banja Luka iz čega slijedi da se ne radi o koncentraciji u smislu Zakona o koncentraciji nego o povećanju većinskog vlasničkog udjela.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić